

INFURMAZIUNS E TERMINS

Chers genituors

Da temp in temp survegnan Els fögls cun infurmaziuns chi pertuochan l'andamaint da l'an scolastic. Cun quista charta comunicainsa termins e datas chi'ns sun già cuntshaintas. Chosas inaspettedas, chi nu sun planisablas ouravaunt, daregia que adüna darcho. Nus ans permettains da decider cò e lo spontanamaing davart ün u l'oter evenimaint. In quels cas orientaronsa a temp ütil. Grazcha per Lur incletta !

Uras da büro da la mnedra da scoula

Per quist an scolastic velan las seguaintas uras da büro :

- Mardi	:	da las 08.00 fin a las 11.30
- Gövgia	:	da las 14.00 fin a las 16.30

Termins per plaschair be tenor cunvegna. Grazcha !

Structuras da di / maisa da mezdi / lecziuns da lezchas

Tenor las annunzchas ans es pussibel da spordscher tuot las spüertas düraunt ils seguaints dis : lündeschdi, mardi, gövgia e venderdi.

L'accumpagnamaint per la maisa da mezdi guard'our seguaintamaing :

- > lündeschdi : duonna Claudia Caprez e duonna Madlaina Arquint Locher
- > mardi e gövgia : duonna Claudia Caprez e duonna Ursula Steck
- > venderdi : duonna Claudia Caprez

1

Tant'Elmex

Scoula : In *venderdi aunzmezdi, ils 23-08-19*, vain la tant'Elmex a fer la visita in mincha classa.

Scoulina : In *marculdi aunzmezdi, ils 04-09-19*, vain la tant'Elmex a fer la visita in scoulina.

Visita tal daintist

Scoula : In *mardi, ils 27-08-19*, ho lö la controlla annuela tal daintist da scoula.

Scoulina : In *marculdi, ils 28-08-19*, ho lö la controlla annuela tal daintist da scoula.

Spassageda d'utuon

In lündeschdi, *ils 02-09-19*, fo la scoula primara sia spassageda d'utuon. (Data da reserva: lündeschdi, ils 09-09-19).

Cuors da perfecziunamaint intern – 1. part

In mardi, ils 03-09-19 haun tuot ils scolars liber a partir da las 15.45 h, causa cha la magistraglia frequainta ün cuors da perfecziunamaint intern. Il tema dal cuors ho nom «Denk Wege» e que es ün program per promover sistematicamaing las cumpetenzas persunelas e socielas sün tuot ils s-chelins i'l ram da prevenziun in scoula.

Sairedas da genituors

In *mardi*, ils 10-09-2019 a las 19.30 h ho lö la saireda da genituors per tuot las classas da scoula e scoulina. Il prüm do que infurmaziuns generelas illa seletta e zieva sun aviertas las portas da las singulas stanzas da scoula, inua ch'els survegnan infurmaziuns detagliadas per mincha classa. La scoulina organischescha üna saireda individuela per orienter sur da lur infurmaziuns detagledas.

Atenziun: Ils genituors da la 1. classa as chattan già per las 18.30 h in lur stanza da scoula per infurmaziuns specielas e rivan alura per las 19.30 h in seletta.

Teambuilding magistraglia primara

In marculdi e gövgia, ils 18 e'ls 19-09-19 frequainta la magistraglia ün viedi da teambuilding. Tuot ils scolars e las scolaras da scoulina fin 6-evla classa haun in marculdi instrucziun be fin a las 10.30 h. In gövgia haun tuot ils iffaunts da scoulina e scoula liber. Düraunt quists dis nun haun neir na lö las structuradas da di, las lecziuns da lezchas e neir la maisa da mezdi.

Acziun da poms

Düraunt *duos eivnas a partir dals 21-10-19* e *duos eivnas a partir dals 13-01-20* vain spüert a mincha scolar/scolara da la scoulina e da la scoula ün pom per la posa.

Blocs da nuder

- | | | |
|-----------------|-----------------------------|---------------------------------|
| - 1. classa: | 2 blocs da nuder à 4 voutas | > november/avrigl |
| - 2. classa: | 2 blocs da nuder à 4 voutas | > settember/october/marz/avrigl |
| - 3. classa: | 1 bloc da nuder à 6 voutas | > october/november |
| - 4./5. classa: | 1 bloc da nuder à 6 voutas | > favrer/marz |
| - 6. classa: | 1 bloc da nuder à 5 voutas | > marz/avrigl |

2

Las infurmaziuns detagliadas per mincha classa survegnan ils scolars/las scolaras da lur magister/magistra a temp ütil.

Cuors da perfecziunamaint intern – 2. part

In lündeschdi, ils 30-09-19 ed in mardi, ils 01-10-19 frequainta la magistraglia la seguonda part dal cuors da perfecziunamaint intern «Denk Wege». Tuot ils scolars e las scolaras da scoulina e scoula haun liber düraunt quists duos dis.

(Scha vess dad esser cò il bsögn, ch'ün iffaunt stu gnir survaglio düraunt l'aunzmezdi, es que da comunicher in scrit a la mnedra da scoula fin il pù tard: lündeschdi, ils 02-09-19.)

Absenzas d'iffaunts

Sch'ün iffaunt mauncha, supplichains als genituors d'infurmer que ouravaunt a las personas respunsablas : Magisters da classa, magisters da religiun, mnedra da la maisa da mezdi ed eir als magisters da las lecziuns da lezchas. Impü sun las absenzas chi pertuochan l'instrucziun da scoulina e scoula da noter i'l cudaschin d'absenza.

Per plaschair volver il fögl !

Visitas in scoula

Visitas illas classas ed in scoula sun pussiblas düraunt l'inter an da scoula. Per plaschair annunzcher ün di ouravaunt la visita tal magister/tar la magistra ed entrar e sortir be al cumanzamaint ed a la fin da las lecziuns e na traunteraint.

Traffic intuorn scoul'e scoulina

Our da motivs da sgürezza Als supplichains urgiantamaing, da nu purter Lur iffaunts cul auto a scoulina, scoula u a gruppa da gö! Nus vains constato, cha per quist motiv circulescha dapü traffic cul solit intuorn la *Chesa dals Pesters ed intuorn scoula*.

Nus cusgliains als genituors d'inchaminer culs iffaunts il viedi da scoulina/scoula/gruppa da gö e dals render attents sün prievels pussibels.

Plazza da posa e sela da gimnastica

La sela da gimnastica pudains nus druver per instrucziun da gimnastica pür illa seguonda mited da settember 2019, intaunt ho aunch'adüna lö ün program speciel per quistas lecziuns. Eir fin cha la plazza da scoula/posa es rumida e missa ad ir dal tuot düraro que almain fin a la fin da settember.

Bös-chin

Nossa festa da Nadel da la scoulina e scoula primara ho lö in *gövgia, ils 19-12-19 a las 20.00 h* illa baselgia San Luzi. Els sun amiaivelmaing invidos da piglier part a nossa festa da Nadel!

Amiaivels salüds
i'l nom da la magistraglia
Vanessa Roost - Monatsberger